

日本  
撰述

本朝高僧傳


三十七  
三十八

特 279

特279-318



318



始



第四百七十七號

東京省部文



本朝高僧傳卷第二十七

濃州盛德沙門

師巒撰

淨禪三之十九

京兆相國寺沙門中津傳



釋中津字絕海號蕉堅道人世姓藤氏土州津野人  
 母惟宗氏禱于五臺山文殊像夢大士授劍覺即有  
 身建武二年冬吉祥而生十二隸名於洛之天龍勤  
 服師訓咿唔琅琅夢窻國師見其神秀甚器重之翼  
 載芟髮陪驅烏列窻在西芳講圓覺經同學有所未  
 曉津為覆講不垂一字眾皆驚異既暨入室應酬建



日本書紀 卷之二十七  
C 一  
既國師忻曰他日扶起宗門者你ナリ也善ヨシ自ヨリ齋イハレ十六受戒國師爲大僧坐禪禮佛日課不虛十八參龍山見公于建仁與義堂信天錫壽樞衣入室大林育公交代董補命侍湯藥東堂放牛林和尚結制冬節就八坂法觀寺請五頭首輪次登座說法一時闕問禪牛公請津津出衆問話機辯如流津在東山十有二載雖風雨寒暑禪誦無懈皆稱精進幢因看楞嚴明自レ己心貞治甲辰將遊相州萬壽石室玖建仁別源旨贈偈稱其靈利及抵鎌倉省義堂青山二兄依大喜忻於建長元帥源基氏待遇稠厚津歷遊福鹿間助

化於同門者前後五載應安初年與佐汝霖等同船入明當洪武元年矣往杭之中天竺一依季潭泐潭一面器許命典藏鑰又謁清遠滑于道場良用貞于靈隱了道一于天童皆優賞焉逮季潭住徑山招津爲座元不就九年正月太祖聽津聲譽召見于英武樓諮詢法要奏對稱旨帝復指日本圖顧問海邦遺跡熊野古祠有勅賦詩津輒應制曰熊野峰前徐福祠滿山藥艸雨餘肥レ只今海上波濤穩萬里好風須早歸帝賜和曰熊野峰高血食祠松根琥珀也應肥當年徐福求仙藥直到如今夏不歸因授與衣鉢得後



拄杖并寶鈔若干，詔許歸國。康曆元年入浴，寓雲居菴。嘗性海見公主，天龍舉津任第一座。明年春，赤松義則以播之法雲請津，差佐汝霖代之。是秋膺鈞選，開法甲之慧林，英祇鱗萃堂宇，至無所容。津提唱之暇，講法華楞嚴等諸大乘經，隨機誘掖。居二年，歸龜山。至德元年，以直言忤源相國長揖而去，隱於攝之錢原。二年，秋源武州桂巖居士就阿州建大雄山寶冠寺，聘津為開山始祖。冬十月，源相國發專使徵津，以疾堅辭。源公重下手帖命桂巖居士起津居士，乃抵寶冠，強曰：法門污隆，陋邦安危係於師之出處矣。

津無已而京，即命董等持鐘鼓鐸鑼，丕振玄綱。龍湫澤和尚臨法筵，感嘆曰：先師說法體裁在焉，復贈夢窻國師法衣。嘉慶二年，秋源公詣函丈乞津所著安陀衣受持，而出。冬十一月，有藩臣叛，凶軍立敗。禪林諸老人慕賀捷，源公著法服相見，指田衣曰：此回頓獲勝敵者是，袈裟之靈驗也。移董北山之等持，一日源公持十牛圖，請示宗旨。津曰：宗門直指之旨，非紙墨言說所能及。然古德十牛之設，為中下機於無途轍中而啟途轍，無功用中而顯功用也。自始尋牛至終人牛俱忘，此是相公自己本地風光，非從入得。



會得則敲門瓦子耳源公作禮而退明德應永開源  
公請津三住相國寺兼管鹿苑院檀越源丞相建三  
門新開寢室上堂我本無心有所希求今此寶藏自  
然而至諸仁者還委麼大檀越有威神力能於一  
念之間現出慈氏樓閣豁開解脫法門施底無心而  
施受底無心而受了知三輪體空寂我此法門咄嗟  
開況夫寢室大開家風有加拈黑竹篋分賓主定龍  
蛇舉玻璃瓊呈機關驗作家雍雍穆穆枒枒檀檀山  
中夏有一段奇事也要諸人共知何也招得補陀巖  
上主大家共喫趙州茶謝都寺進退上堂諸方談玄

談妙以爲宗乘我這裏玄妙束之高閣諸方行棒行  
喝以露大機我這裏棒喝置之壁金穀出納自有  
人勾當土木興建自有入任勞山僧只管端居丈室  
現前受用耳來者如龍得水去者似虎靠山快活快  
活總無閑事挂心頭便是人間好時節若也作快活  
會入地獄如箭射咄津以應永十一年四月五日歸  
寂有辭偈曰虛空落地火星亂飛倒打筋斗抹過鐵  
圍俗齡七十僧臘五十六津自少聲諸翰墨之場既  
及壯歲珪璋煥發嘗在明時與竹菴渭浦菴復等以  
詩往來俱稱美焉有四會語錄明之淨慈道聯公爲



日本書紀 本朝高僧傳卷之二十一  
之序又有外集蕉堅彙僧錄司左善世道衍大師題  
卷首共行于世滅後五年後圓融上皇勅謚佛智廣  
照國師相尋後小松帝加謚淨印翊聖國師奉持津  
之僧伽梨永留於內以伸供養焉  
贊曰佛智國師抱秀發之機而師於名師友於勝友  
步履周流歷年殆淹矣自謂我嘗有失笑之分跨歷  
明國受大方虛左之禮見萬乘主拜瓊瑤之饒賜歸  
來權都下之官寺緇林頭角金苑股肱靡然挹才華  
是雖國師之士苴也所謂以文字揭示第一義者也  
京兆南禪寺沙門祥登傳

釋祥登字大年建長了堂安禪師之高弟也應安初  
偕法兄伯英俊公入元請益歸朝出世建仁後住南  
禪畿甸仰真風一日同諸山尊宿到齋于丞相義持  
源公之第源公曰有一幅画開軸之間敢請諸老之  
題贊語絕海津公謂登曰應丞相之需者非和尚誰  
歟我當執筆耳源公召入掛之壁上乃達磨大師頂  
相也登衝口唱曰九年面壁架一張弓盡取天下置  
吾轂中源公拊掌稱嘆列座感伏焉

相州建長寺沙門等益傳

釋等益字友峰筑前人也初禮雪澗存和尚執童役



稍長剃髮進具存公最化後參古先元禪師于等持  
真如間無德孝主東福招掌內記職滿歷謁夢窻石  
虎關鍊乾峰曇蒙山明龍山見放牛林此山在東陵  
嶼石室玖太虛充諸尊宿古先歷遷甲之慧林相之  
淨智圓覺建長益皆從行不離左右去訪師叔復菴  
己公於常之法雲命居後版又回福山轉前版兼拂  
說法價聲四馳應諸山請出世野之長樂拈香供古  
先尋遷淨智建長前後克踐先規誘郵學徒後退居  
長壽擅越野田氏剏普慶精舍延爲開山之祖應永  
十一年正月嬰疾二十一日更衣書偈曰幻生亦不  
滅非幻不生滅方外立乾坤壺中掛日月放筆泊然  
就化壽七十九塔曰澄心

京兆南禪寺沙門部奏傳

釋韶奏號九峰雲州人也東福靈鋒慧和尚來住州  
之華藏寺奏自少隨侍遂稟記蒞出世豐後萬壽寺  
解印伏居華藏東菴者尚矣藤丞相聞其道價招之  
入洛日擊道合請住東福尋升南禪剏定光院於龍  
山之側退休道義穩實晚節彌堅一日徧辭山中諸  
老歸入石龕中肯本寺住持鳴鐘率衆而至有僧出  
問如何是末後一句奏豎一指示之乃令大衆誦楞



嚴咒至第五合自閉龕戶實應永十二年冬十二月也保齡八十一歷臘六十六

贊曰坐脫立火化水定支那禪策中班班觀焉蓋是達人至其滅度著風流灑落遊戲三昧矣如九峰師其入石龕者似普化之舉其豎一指者似俱胝之禪先覺後覺皆同一三昧也

播州瑞光寺沙門周徹傳

釋周徹字靈光徧敲本朝知識之門又截海入中華歷遊諸刹專事參尋久依古林禪師於鳳臺發蒙多矣歸來承夢窻國師之印首衆于天龍應檀越之請

開堂播州瑞光艸創寶光寺為第十世國中化歸臨終說偈曰欲知居處不隣神仙金剛腦後那吒面前端坐而卒

京兆南禪寺沙門全用傳

釋全用字大用稟印菑於少林尊禪師出世野之長樂盛弘西澗祖翁之道後奉勅住洛之南禪參玄雲衲堂中輻湊晚倦老期構聚松院謝事而休自知化緣盡會闔山衆遺誠訣別對觀自在像唱辭偈曰七十有一大事了畢虛空紙窄閣須彌筆回於本座恬然長往遠近見聞者莫不歎息矣大用師遷化亦與



九峰之終可併案焉

京兆南禪寺沙門祖濬傳

釋祖濬字哲巖播州人佐伯氏母紀氏夢人授明珠而有妊焉偶逢占者原之曰胎中必奇男子但非塵中物卽是僧鳳翔翔五嶽矣及誕彌骨相不凡聰敏出隊父母愛爲文殊童子年及志學投本州長福教寺讀梵教能記不怠龍谷雲公遊化播陽濬拜附爲師雲公爲下髮納戒侍左右久辭上睿山稟密法於座主聽一心三觀之旨慧解且長義辯無礙却回侍雲公受印記應安二年應府帖住攝之澄心辦香供

龍谷國民歸向至德二年徙洛之普門明德二年領萬壽翌歲董東福所在歸敬百廢皆備暮年退守本成祖塔藤丞相以濬年德奏朝主南禪占者言於是符合矣居三載退居慧日常喜菴應永十一年八月初示微疾十七日中夜集諸弟子遺誡畢說偈曰倒臥橫眠八十一年失脚踏斷利界三千置筆坐脫茶毗獲舍利無數享年如偈臘六十七

京兆相國寺沙門中諦傳

釋中諦字觀中日奉氏阿州人也母夢沙門杖錫至家錦裹利刀納其懷中寤後有妊及生英敏拔萃不



樂塵盍觀應庚寅年甫九歲偕人入洛拜正覺國師  
執童役翼年祝髮進戒此秋國師遷化因就諸兄習  
學不怠又遊南北教肆棄往相州咨叩諸老俄附商  
舶入元從台州抵福州時有黃巾亂道路不通卷被  
東歸依春屋葩公于天龍命掌記室朝鍛暮鍊遂徹  
玄旨無何分座說法出主本州之寶陀嗣香獻正覺  
周載遷洛之等持應永七年大丞相義滿源公聘董  
相國檀護日煥英衲擁奉如蜂得王焉上堂僧問古  
德因僧問月半前用鉤月半後用錘正當月半時如  
何德曰泥牛踏破澄潭月還的當也無諦曰可恣的

當僧曰今朝正當二月半未審有什麼條章諦曰好  
語不可說盡僧禮拜諦乃曰月半前用鉤芻狗趁鐵  
牛月半後用錘玉兔長鳳兒正當月半時如何嘉州  
大象念摩訶作麼作麼無常殺鬼念念不停只在  
刹那寄語傳大士幾日歸率陀囉囉哩哩囉爐鞴  
處因甚鈍鐵猶多以拂子擊禪牀下座二月旦上堂  
一華開而世界起一塵飛而大地收豎起拂子云看  
看一毛頭上有幾種法界文殊當理普賢當行觀音  
普照護方所彌勒多遊族姓家理者真空無礙之理  
行者求相無盡之行一一法界一一證入蝦蟆跳上



梵天蚯蚓抹過東海是第幾法界諦倦槌拂謝院事  
 源丞相勸乾德菴以為休憩地京兆源賴之細川建氏  
 永泰院延之一日示疾集眾說偈一喝便逝實應永  
 十二年四月初二日也壽六十五臘五十三勅謚性  
 真圓智禪師有二會語錄及青嶂集若干卷傳于叢  
 林矣

江州永安寺沙門永釋傳

釋永釋號彌天不詳姓里資氣英粹善綜內外行脚  
 諸方之後參寂室于永源久看狗子無佛性話脫然  
 契悟室授法券又作字說曰東晉安公僧中之龍德

名俱高靡有出其右者故自稱彌天釋道安良有以  
 也今釋侍者以彌天為別號且喜吾門復獲希顏慕  
 蘭之徒也辭遊甲州眾幸其來請董淨光寺住職未  
 久又返江州無功忠菴主創永安寺敦請居焉室贈  
 偈曰凝滯頓釋灑灑落落電卷星飛龍驤虎躍疎慵  
 老頭陀一生投丘壑同志遠方來慚愧嘗水藥酷愛  
 移茅入澁糞火煨芋標格古風不振久之林下年年  
 蕭索千峰玉立掃秋旻冷翠巖屏掛飛瀑今朝君已  
 下名巽誰共看山月白釋有偈示眾曰為勸後生  
 參學士光陰如箭莫空過人人有個靈臺在拂拭塵



日本書紀 本朝書傳卷之二十七  
埃急琢磨釋又開甘泉天恩一刹爲第一世檀越悉  
恭信貞治六年秋八月寂室將順世命釋預作祭文  
其詞曰師胡棄我忽哉化權滅昏衢之明燭失苦海  
之慈航天耶非天耶雙淚竭而賡血命乎非命乎中  
心熱而探湯風吹雙林宜揚拘尸之遺教石瘞隻履  
顯揚少室之舊草地震悼鬼神哀傷秀氣低壓諸  
峰瑞石蒼鬱正脈分列萬派永源汪洋維孫維子以  
繁以昌煮北焙之茗熬南溟之沈寂定不昧鑑斯微  
忱稿成以呈焉室覽而甚懽釋住永安二紀臨得微  
疾遺誡門人曰老僧滅後汝等胥議不問自他請一

老成辨道人以充菴主共勤行業不然則各自散去  
諸子勉旃言訖蛻化實應永十二年六月初五日也  
法弟英靈仲主其後事茶毗收靈骨于寺之後築塔  
曰實相菴名龍井勅謚見性悟心禪師

明國二峰寺沙門啟原傳

釋啟原字大初未考鄉氏九齡禮建長物外什禪師  
剗染得度及十九歲與宗猷等十八衆參遊大明歷  
見天界季潭泐仰山了堂天童無著等四十五員善  
知識未於徑山傑峰英禪師處頓釋疑網英公付以  
頂相大衣拂子法語住羅陽二峰寺及山交龍護院



禪客歸風永樂五年二月一日集衆書偈曰生也鐵面皮死也鐵面皮一椎百雜碎白日遶鐵圍擲筆坐脫壽齡七十又五行化四十餘年列刹知識傳聞稱嘆有三會語錄云

贊曰禪人何爲者也以悟爲則開物成務綜三界而置己闔如斯者也何際限之立有夫日本震丹者南瞻浮洲粟散國土僅隔一瀛耳是以諸師航來開法虛往傳法而開寺弘化不歸而終瓦屋于唐大初于明原公之事載在釋氏稽古略

京兆天龍寺沙門明應傳

釋明應字空谷別號若虛姓平江州淺井郡人其母連生女因禱睿嶽神以求男遂以嘉曆戊辰祭神日生年甫九歲投郡之廣濟寺志徹爲驅烏天資聰敏經籍觸手卽記徹見其偉器攜附夢窻國師命受業於上首無極玄久之辭依高山照公於建仁山嘆曰這沙彌穎發如此他日不可量也復回臨川服勤無極十七受具足戒侍國師日增慧解一日觀臨川長老禪坐堂中屹如枯株竊念衲僧風儀當如斯從茲奮志禪觀及無極補天龍命歸侍局喫緊參究果徹格外無極退後東陵禪師來繼其席登掌知賓依林



放牛於東山典司藏經至節乘拂僧問藏主少年升  
座有什麼長處答曰虎生三日有食牛氣一衆注目  
又從皎碧潭諭默菴月中巖二大老自二藏教卷五  
家禪燈至夫九流百氏之書涉閱無遺明蒙山在此  
山主南禪時招應掌箋翰在春屋葩清溪徹二師叔  
會裏分座說法永和乙卯冬開法濃之天福四年戊  
午州守土岐氏延以管內天寧其寺僻在山閒應茹  
蔬被葛若將終身焉崇光帝聞其風範下詔管大光  
明寺皇華再至應進偈曰紫詔飛來入白雲二呼萬  
歲謝天恩者回至化逃難得但慮何由補法門帝屢

召問法崇遇日渥至德三年相國春屋葩公告老謝  
事丞相義滿源公敦請補席辨香記無極之嗣此時  
寺未圓備應遷裁二霜飛樓湧殿幻出夜摩觀史之  
壯麗也萃夷包笠雜還叢集上堂瑞巖頻喚主人翁  
南泉亦索一身價只有臨濟門下常在家舍不離途  
中常在途中不離家舍何故渾崙無縫罅上堂多言  
多慮轉不相應絕修絕證作麼生折合去驀拈拄杖  
曰頭不欠尾不剩結制上堂檻前水綠山青水牯牛  
橫眠倒臥天際日上月下寒山子胡吟亂哦處處古  
佛道場塵塵大人境界因甚南方禁夏不禁冬北方



禁冬不寒夏可憐爲方隅所關鎖爲時節所羅籠向  
何處出氣拈拄杖卓一下端午上堂二世諸佛病多  
諸藥性歷代祖師病者聚醫門入荒田不揀拈來州  
救膏旨於必死除勞瘵之根源拍膝曰忌日受須三  
十年嘉慶初退休鹿苑明德元年源丞相奉金縷僧  
伽梨請再住因奏應高行於朝帝召見內殿問法大  
悅乃受衣盂執弟子禮翌日遣中使特賜佛日常光  
國師之號二年秋八月源公修相國新寺落成供養  
五山十刹及諸山住持皆集法會是日源公率文武  
官僚請應慶讚就覺雄寶殿陞座云妙莊嚴域恢恢

含吐十虛法菩提場落落彌綸羣有旣非眼耳所及  
豈可心識能量雲橫北極水通南津呈露劫初勝槩  
金烏東昇玉兔西墜發現格外峻機直得物物全真  
頭頭妙用舉足下足皆是道場得念失念無非解脫  
擊拂子下座源公施泉布三千緡黃金百鎰文馬十  
匹及種種珍物委積若山應不沾一芥悉歸之常住  
源公聞之益加崇敬迺割丹州腴田若干頃以贖常  
德壽塔無何回鹿苑應永初年相國寺火應復起住  
閱兩寒暑諸堂一新源公欲令十禪客易衣入教應  
固執曰下喬木入幽谷理豈然哉因上堂舉南陽酬



日本書紀 卷之二十一  
一 本朝高僧傳卷之二十一  
肅宗話曰空中一片雲悠悠任天地釘釘著還非懸掛著不是顧視大衆曰借問從何起擲下拄杖卽返鹿苑時絕海津禪師與應道望並高人謂之一甘露門五年戊寅有鈞命住北山等持居三載退守雲居塔憶先師箋註之勞與衆講宗鏡錄謂學人曰若約吾宗元無實法老僧不畏拔舌犁耕貴圖諸人粗識來源耳今如來慧命將絕爲兒孫者無意紹續何其鐵面皮耶聞者激起大將軍義持源公入山問法應示以臨濟語復乞法名授以顯山二字並偈源公從茲歸仰日熾十一年冬董天龍四衆懽呼以爲臺臺

一 現明年春復休鹿苑源丞相問曰圓覺境界弗容妄心測量今某等日用無非妄心敢請開示應曰何傷乎經曰知幻卽離離幻卽覺檀越既能知安心則日酬萬機全是圓覺知之一字衆妙之門切莫忘却一日又問某自登台輔日課金剛般若經未曾聞歇其報如何應曰能摧諸物而不爲諸物所摧者謂之金剛以譬般若體用檀越爽和陰陽致君堯舜亦可謂般若熏用之力也源公悅服應爲入也疎眉秀自音吐如鐘機鋒峻峭不可觸犯而居恆仁慈人望見意消受王侯寵錫而奉身守約衣服垢弊躬自補浣



不煩弟子從踐此道。脇不著席者四十餘年。老而脚疾。扶杖勃窣。朝曛燒香。一日不闕。塵尾一揮。則學海瀾翻。當時僉曰。禪林豪傑也。十四年正月十二日。示有微疾。源公父子及諸官員問。病候者相續。道路十六日。晚湯沐淨髮。夏衣。跣坐。侍僧請遺偈。應。擲楡曰。堪作何用。衆請殷勤。乃秉筆書曰。倒騎木馬。踏破虛空。要覓踪跡。結網繫風。移刻遷化。報齡八十。坐夏六十二。門人及檀越輿奉。全身送慈濟院。停龕。一日顏采不變。源公哀慕不止。購葬尤渥。塔於佛慈禪師。率堵婆西偏嗣。其法者二十人。白衣受戒者若干人。有

語錄行於叢林

贊曰。後小松帝顧問。一休純公曰。空谷性海。一師孰爲本色。衲僧卿審擇之。純奏曰。以某謏見。性海文字。性未脫焉。空谷名利兩忘。本分宗師也。於是空谷爲師。賜國師號。余觀行狀。參履詳實。悟解資深。色空鈞觀。名利都亾。純之奏。許特爲的當也。語曰。視其所以。觀其所由。察其所安。人焉廋哉。人焉廋哉。若常光國師。不可慙聖人之言矣。

攝州報國寺沙門單況傳

釋單況字無比。自幼冲隨。虎關和尚。宗通說通。延文



年中勸法兄龍泉湊公上書重奏釋書有旨入毗盧  
大藏於是諸山尊宿聲偈賀之況亦有偈曰日域新  
編釋史文此非梵語與唐言紫泥時下入龍藏五百  
高僧朝至尊況編成巨軸題曰獅子筋況後住攝之  
報國寺爲開山第十一世

京兆南禪寺沙門一麟傳

釋一麟字天祥別號一菴京兆華產藤姓右族生於  
攝籙九條家麟幼而穎發依東海源公于東山大中  
菴執侍童役十七得度進具遊南禪建仁間參諸名  
宿旁嗜文墨時以才名與中立鸚公有連璧之稱鸚

乃東海子法燈孫出世南山榮董南禪開當世者也  
麟在天龍真如任職秉拂後謁龍山見公山曰甚處  
來麟曰天台普請南嶽雲遊山曰若是活底龍一任  
自在去麟便禮拜服止席下又隨山于建仁南禪叩  
問詳切機鋒捷出每晚語動至四鼓不命之退終不  
起山常呼難得子延文二年山遷天龍舉任綱維明  
年正月天龍火山中夜退北山歡喜寺事出倉卒輿  
夫欠一人麟代了躬昇其篤敬至此今茲中冬山寂  
于龜山麟提調後事歸欵于東山知足塔喪闋首衆  
于南禪秉拂接衲聲華燁燁起叢林間永和三年出



世薩之大願，爇香供龍山，居之二載，移旆之聖福康。  
應元年住洛之萬壽，繼王建仁天龍，其所行之規矩。  
偏取法於龍山，應永八年七月自恣，日升瑞龍山，丞  
相源公遣使告麟，曰：序遷止此，請活弄宗機，庶幾傾  
耳台旆入山間，其提唱上堂古德，曰：現成公案放汝。  
三十棒敢問大衆，作麼生是現成公案？莫是林鐘過  
半氣，近清商麼？莫是三通鼓罷，四衆雲集處麼？莫是  
山僧無說而說，大衆無聞而聞處麼？阿呵呵，就地拾  
得麗水金拈起，却是新羅鐵。上堂人問：四月芳菲盡，  
不覺蹉跎光景流。雖有修行佛法底人，情識慢高動。

作戈矛參韶石，不肯韶石參趙州。不肯趙州何故魯  
人不敬東家丘，結制上堂護生須殺太無轉智殺盡。  
始安居已落第二大地，都盧解脫門是誰無？一坐具  
地因甚，大家坐這裏喝一喝。上堂前四十五日過去，  
心不可得，後四十五日未來，心不可得。正當今日現  
在心不可得，三世既不可得，中只麼得時，如  
何以拂子擊禪牀？曰：六月買松風，人間恐無價。解夏  
上堂翠巖一夏爲兄弟，東語西話勞而無功。雲門索  
取九十日飯錢，歷良爲賤。山僧初秋夏未任汝諸人，  
南往北來，忽然躡步，磕著腦門，不得孤負老僧。麟晚。



守東山護國之塔一時名衲如義堂龍湫太清默菴  
絕海空谷等莫逆倡和凡檀越覲施不沾一毫用充  
起廢一日遣病顧侍者曰吾行矣侍者出紙求偈麟  
書曰有有有有無無無無裂破鐵絲網擊碎驪  
領珠閣筆曰老僧滅後瘞全身於祖塔後我欲從祖  
師於定中言訖就化實應永十四年臘月初二日也  
壽七十九臘六十七嗣其法者雲岳孫子龍雲江西  
派瑞巖惺九淵睪各據大刹所著有佛祖歷年圖二  
卷藏箋十卷語錄二卷龍涎集一卷塔院在東山曰  
靈泉

京兆萬壽寺沙門智至傳

釋智至智或字愚溪嗣法龍泉泮禪師行履確實不  
苟世緣師叔性海見公勸化諸方重刊釋書至一筆  
繕寫南禪竺仙和尚寄偈曰元亨釋典祖翁編喜見  
愚溪續斷絃胸次春秋僧史筆袖中文字祖師禪風  
吹椽蓐催歸夢雨長苔花憶舊瓊莫歎龍泉湧黃土  
衝星更有小龍泉初住筑之承天遷洛之萬壽至嘗  
曰大圓鏡智果因轉平等無礙見非功若一絲毫許  
凡情聖量未盡還據師位者爲偷宗號矣門人錄其  
行業至呵曰汝等圖畫虛空作什麼卽令炳却其平



日事實大率此類也

京兆南禪寺沙門仁與傳

釋仁與字香山自少侍夢窻國師汲汲于參禪如救頭然遂稟印記呈頌曰扶桑國裏大宗師值遇恰如浮木龜腸我安身立命處虛空拍掌笑舒眉辭往東濃盤結艸菴藏跡林間永和四年同門衆招主臨川繼住天龍遷升南禪與嘗夢國師賜金襴袈裟而作偈曰夢見心空定裏顏熙怡微笑授金襴黃梅夜半付盧老添得秦時轆轤鑽後劫禪度而居

京兆南禪寺沙門慶圓傳

釋慶圓字月心自受記蒞於月翁規公遊行諸方又踰海入元徧謁諸尊宿而見地淵偉學術博依元人稱大乘菩薩東歸出世濃之定林歷任建仁建長余覓其語句不能得焉有賀釋書人藏偈曰公道無私編史成時當季運法門榮祕收海藏也徒爾詔許流通天下行後返鎌倉終于福山大雄菴

京兆寶幢寺沙門良佐傳

釋良佐良一作周字汝霖姓藤遠州高園人自少出家奔遊華夷宗說該通兼長屬文聲喧叢社應安元年與絕海津公俱入大明掌箋翰於蘇之承天寺繼同五



山諸大老入鍾山點校大藏經同袍皆與而敬之又  
 遇文章鉅公研精翰墨翰林學士宋景濂見佐文章  
 而大賞跋其尾焉太祖召絕海汝霖於禁殿問熊野  
 三山事資賜甚渥洪武九年春同絕海歸丞相義滿  
 源公聞其才德遣使於泉州堺邑邀要嗣法普明國  
 師慮其歸受業師也康曆二年受赤松義則之聘開  
 堂播之法雲是歲源公建覺雄山寶幢寺於城西請  
 普明為開山始祖仍命佐補處住持無何遷化時人  
 惜化門之不周也霖偈詩不存收拾一二今記于此  
 其所著併儷遺稿曰高園集慈恩寺殿海寶居士秉

炬佛事曰北風撼撼拂林園水在瓶今月在天烈焰  
 堆中清淨土本來面目正昭然題統之吞碧樓曰石  
 城之寺跨江濱上有層樓最不羣風捲浪花晴似雪  
 天疑海氣曉如雲龍公窟宅凭欄見鮫女機梭欹枕  
 聞萬里鄉關未歸客登臨猶自對斜曛

系曰汝霖與明朝諸儒從事筆墨翰林學士宋文憲  
 振知辯以跋其文然但宋氏之意而非可作汝霖之  
 行實也昔張無盡按部過分寧逢兜率悅禪師日聞  
 公善文章悅大笑曰運使失却一隻眼了也從悅臨  
 濟九世孫對運使論文章政如運使對從悅論禪也



此本色衲僧對儒者之言凜然不可犯觸者如斯與  
汝霖之撰自分淫漚也復汝霖與絕海謁明太祖賦  
熊野徐福事而絕海四句立成焉汝霖欲作律詩經  
意之間不覺覆茶林夫文章者道之緒餘非禪人之  
所務也霖何吟佔篋偏至于茲耶

京兆養源院沙門道芳傳

釋道芳字曇仲自幼侍空谷應公學業成熟爲無已  
聖劔關提所稱速應住相國命司輪藏結制秉拂垂  
語問答一衆從聳聽尋受正印大周齋公董南禪招芳  
居第一座既而謁性海椿庭太清春屋義堂絕海請

師皆推重器惟肖仲方太白岐陽數彥斂衽服膺源  
丞相義滿父子聽芳玄談不知日將暉諸方以巨剎  
講掩門却掃構養源以屏居玄徒挹風戶外屢滿矣  
應永十六年二月二十九日值病淨髮更衣書偈曰  
四十二年不坐不禪掀翻大海抹過青天置筆坐蛇  
門人收靈骨空字長生焉

本朝高僧傳卷第二十七



音訓

泐 歷德切 琥珀 上火五切 叛 薄半切 珪璋 上居為切

駁 居候切 郵 雪律切 原 遇玄切 藺 良慎切 藥 博厄切

峇 堯 上笛聊切 廣 古衡切 焙 步昧切 忱 時潑切 杭 航音

度 緼 居仰切 變 悉協切 浣 同澣 勃 罕 下蘇切 鈞 同均 琛 航音

丑禁切 泐 覓筆切 育 丁么切

江府住玉泉軒成九居士信施淨財鏤  
 本朝高僧傳卷三十七 茲冀  
 上報四恩下資三有家道繁興種智圓明  
 寶永丁亥佛成道之日  
 濃州路加納盛德禪寺 知藏比丘 識



新修藏經卷之三十一  
寶木下之彌沙迦之目  
上時四息不覺三有寒並常與諸賢論  
本時高僧傳卷之三十一  
其  
其  
其

本朝高僧傳卷第二十八

濃州盛德沙門師變又撰

淨禪三之二十

丹州天寧寺沙門周及傳

釋周及號愚中濃州岐阜人藤姓父母嘗憂無嗣宅  
邊構堂安觀音像晨昏禱之遂得感而妊逮生異光  
滿室年方五歲執普門品就父求誦請僧授之即優  
能誦以為夙熏觀音像前有盤陀石及每坐其上禮  
拜誦經一日有僧授性海無風金波自涌之句而去  
問來處曰自奧州來及奔告父父怪而追之失其所



在年逮小學父攜投郡教院令就童列竺墳魯誥如  
探懷物時父有難將罹刑舉家惶怖及獨詣觀音像  
至心所禱父果獲免從厭世相請歸沙門慰諭不可  
遂任其志及喜曰若然宜歸禪宗年十三上京師禮  
夢窻國師於臨川國師見其骨格神異卽爲剃髮安  
名因其身長常呼高沙彌俾依春屋葩教以禪策過  
日能記葩曰高沙彌伶利我今事繁不能成禡命侍  
首座鑑翁翁鉗鎚妙密德望高時及辛勤奉仕請益  
不急又親龍湫默菴一師日增慧證國師有友雲菴  
偈命及和焉及應聲曰巖樹陰森日易曛無心來往

洞中雲凝然一榻乾坤闊物外逍遙趣不羣國師稱  
賞或者曰子盍習儒典恐闕博識及曰若論本分佛  
語祖語尚不可學況異端乎十七到睿山登壇受具  
十八掛錫於建仁值住持上堂出衆問難一會傾聽  
曆應十四年秋乘商舶入元明州太守鍾萬戶以爲  
賊船舳艫數千遮于海上商主通書太守益疑踰年  
防嚴船中水盡人皆將死及與同侶修圓通懺摩法  
以禱雨水密雲忽布甘雨大降船中數百人各滿器  
得活鍾氏奇之許商賈貿易有一商客聞及爲求法  
來夜棹小舟迂及登岸時月江印禪師居曹源兼程



進謁晨參暮叩唯恐不及印公視其舉措兀兀如癡  
書愚菴二字并偈以贈之及以爲號後自改印公謂  
及曰老僧退居不行叢規當抵大方觀禪席盛矣乃  
與偈曰贈君一滴曹源水漲起西江十八灘八十四  
人艸窠裏齒牙交下觸體寒去到道場偶遇本邦密  
禪人相偕上金山拜謁卽休了和尚了公先一夜夢  
佛印元禪師至逮及來參大悅遇之甚膺因指面前  
柑子曰日本有麼及曰有又指栗子問之及曰有了  
公曰佛法徧在一切處來此間作什麼及曰若不到  
此間如何見得和尚了公曰目前無闍梨此間無老

僧及優禮拜乃命以記室及善筆翰一衆嘆稱尋侍  
衣鉢一日入室呈解了公叱曰不見道言無展事語  
無投機滯句者迷承言者喪及泫然而退經數日了  
公謂及曰昔大慧在梅陽入室時鼓山長老在衆慧  
舉竹篋曰喚作竹篋則觸不喚作竹篋則背喚作什  
麼山出衆奪取竹篋慧敲卓子曰喚作卓子則觸不  
喚作卓子則背喚作什麼山優踢倒卓子慧指虛空  
曰喚作虛空則觸不喚作虛空則背喚作什麼山打  
筋斗而出言未訖及脫爾卽呈偈曰不知禪者非禪  
者二十餘年只一疑打破鼓山塗毒鼓普天匝地盡



須彌將辭歸本朝了公自題頂相付之曰妙高峯頂  
山船揚子江心走馬唐人不識這容儀付與日本及  
以者時朝廷勅金山修水陸會了公雷及典經藏月  
山楚石夢堂諸老寄偈賀之石室以龍山見時時往  
不互加琢磨及有癸亥集了公序其首儒官虞伯生  
以其尾名聲廣達叢林至正十年了公示微疾謂及  
日來歲孟春吾必取滅殘喘未絕時子速歸日本示  
以偈曰裴寺相親閱幾秋左探右索出時流機輪二  
轉輪元淨定慧雙詮慧匪修睡虎耽耽拋故穴遊龍  
矯矯奮靈湫好翻一滴長江水漲起東方廣海州又

囑曰子歸鄉國不要出世須居山林做靜地工夫長  
養聖胎他時必向孤峯頂上發揮吾道去在明年孟  
春即休喪闋三月中旬發明州初夏著博多本朝觀  
應二年也龍山見喜及還相伴上洛直抵天龍拜觀  
夢窻國師國師欣然慰勞是秋國師遷化衆僧分散  
及獨雷塔下心喪三年龍山住南禪屈及充書記結  
制兼拂僧問唱誰家曲宗風嗣誰及曰揚子江頭楊  
柳春楊花愁殺渡頭人其夜果有不意之變寓少林  
院竺堂瞿公主萬壽招掌紀綱職解遊方四年乙未  
寓攝之棲賢住持教外藏公明極上足高識博達名



重叢林晝夜道話外稱高論貞治四年大中臣宗泰  
虛丹之天寧席延請以及有緣干山乃往而住衆僅  
十餘員風規凜如應永二年遊化紀州運勝居士翔  
龍門菴請及駐錫四衆競集夏末示衆曰龍門一衆  
玉稜層內證還如寒谷水不向鑊湯爐炭避頓明心  
地絕炎蒸仲秋將赴關西路經藝州右近將監平春  
平小早川氏建佛通精藍留及爲第一世馭衆立規一如  
天寧八年遊播州雲門寺愛其幽邃卓菴曰景德冬  
依檀越請還佛通年已八十餘雲衲千指別置向上  
菴以容方來上堂說法四序無關十一年退居肯心

菴痛斥參徒商量浩浩地結制示衆曰老能題壁奈  
何物古佛趙州只道無爲報祖師門下客萬般不若  
紫盧都十四年相國義持源公遣專使求法語及述  
勸發文示之翌歲源公命州守平則平請及入京及  
到山崎源公命畠山細川二臣迎館于伏見藏光菴  
源公往謁甚欽命鄂隱齋點城外寺院五所令及擇  
而居及辭不就自寓等證院源公參見問法要及曰  
此事元來不從人得今遠遠地喚老僧來將求什麼  
雖蒙所問都無一法爲公可說亦無一事爲公可付  
直饒說得浩浩付得密密於公分上翻成剩法是故



日本通志 卷之三十八  
五  
曰從門入者不是家珍還會老僧不說底道理麼若能會得佛語祖言皆爲施設又出金剛經請爲講說及舉經曰會麼三世諸佛及一切法皆從此經出未審此經又從那裏得來世尊飯食已訖敷座而坐未措一詞須菩提讚歎曰希有世尊善護念諸菩薩善付囑諸菩薩且道護念個什麼付囑個什麼世尊一曰跏趺坐文殊白槌曰諦觀法王法法王法如是世尊便下座正與此段一般於是見得餘段自然水到渠成不用費力卽與老僧不說底道理如合符而已源公信受都城縑素競求拜謁及堅拒不接卽宵遁去

至紀之禪頭寺源公遣使賜紫方袍回天寧任性住持中夏謂衆僧曰我在此不久秋來必行脚去矣道俗聞之受衣盂者不可等記八月望日及扶杖登山定茶毗場其夜侍僧夢殿梁折翌日示小疾二十四日自書棺銘曰學得無爲日心空及第時胡笳十八拍節外復生枝二十五日施主設齋及示衆曰在昔純陀獻如來最後供養得福無量今日飯我且道有何所得良久曰有利無利不離行市齋畢謂左右曰待我氣絕卽時閉維莫移刻莫剃髮莫澡浴莫營忌齋晝夜禪誦如我在日卽說偈曰出行得好日快馬



痛著鞭萬回。瞠其後。雲門豈爭先。踟蹰而化。實應永  
十六年八月二十五日也。顏色微笑。宛然如存。手足  
屈伸不異。生時門弟檀越如法茶毗。分靈骨塔於天  
寧佛通兩寺。平日所剪爪髮皆生五色。舍利遠近士  
庶拜瞻。嚙嘆保齡八十有奇。歷臘七十有坐。有語句  
若干卷。及稟明鈔一卷。勅益佛德大通禪師。贊曰。弊  
之善射。必志於鹄。入宗門者。以悟爲志。古人  
不惜身命。險山渡海。擇師參究。至一得悟。則十方世  
界一時開發。千佛妙玄。說諸儒性理。談分明歸於掌  
中。茫茫天地間。何物加之。愚中禪師以聰明才蚤。志  
於效遊。入諸夏。卽休言下。得出身之地。歸隱乎邊鄙。  
裴寺守金山遺囑。說源相國。則不視其巍巍然。橫示  
宗乘。去華居儉。確爾克終。吁。五濁塵堪世。見摩尼寶  
珠哉。

攝州廣嚴寺沙門以倫傳

釋以倫字無等。嗣龍山見禪師之法。出世攝之廣嚴。  
退居建仁。護國塔下。道俗歸法者衆。檀越爲考妣設  
齋請。倫陞座問答。罷迺云。真性無染。本自圓成。得之  
於心。超越十聖。二賢之上。失之於旨。沈淪四聖六凡  
之間。所以道但願空。諸所有勿實。諸所無若能於。是



會得或時現宰官忠孝俱全或時爲嚴君尊親兼備  
或時悟法華三昧捨方便示實相或時入觀音普門  
開慈眼視衆生此是自己本有事如珠走盤似鏡臨  
像頭頭上顯露物物上現成淨裸裸赤灑灑隨處遊  
戲任意自在說甚生灰涅槃菩提煩惱正恁麼時如  
供養一千僧聚會四部衆畢竟功歸何處將此深心  
奉塵刹是名爲報父母恩以八十一歲滅于所住

防州正法寺沙門智碩傳

釋智碩字大圓不詳姓氏防州人在幼聞雅不羨處  
俗及其爲入投州高山寺基山仙公削染得度服勤

不倦造詣日深承山密記巡遊京師掛錫於建仁東  
福間一時諸老見其有俊發之機舉任高職久而歸  
國開法高山視其廢壞事於建興殿堂復舊書室多  
衆結制上堂古佛家風豈到今心頭斷絕始安心三  
千里外有知己熱喝嗔拳不可禁示衆云鷲嶺一枝  
少室禪古今天下未曾傳向慚愧裏通斯意花在樹  
頭月在川應永庚辰歲豐後府守大友氏啟碩名於  
朝聘以萬壽鈞帖既下京輦列刹削牘晉慶碩峻拒  
曰夫高山以先師瘞履之地承乏而灑掃誠分之宜  
也蔣山乃海西望刹而龍象之所躡蹈也吾儕可敢



冒進乎況又出世非老夫之志也其徒哀告而不從  
後開正法寺掩關韜晦某年終於所住碩純誠泛受  
發於天性逢人則無尊卑疎戚溫顏軟語禮敬如一  
臨法則如銅崖鐵壁不可攀躋夢窻國師虛天龍  
之席招棊山仙公堅臥不起大友使君請碩居謙高  
遁求寺貪利者讀此師資之風豈得不池其類乎

京兆南禪寺沙門梵芳傳

釋梵芳號玉畹稟法普明國師性在隱逸沈退守志  
同袍勸開法謙辭不就大將軍義持源公挹其風洛  
歸依特渥強起住南禪列刹欽高儀晚構投老菴謝

事而休因有作曰軒前脩竹綠婆娑玉立三竿不用  
多好是滿山風雨夜虛心相對亦無他一日讀金剛  
經至于若爲入輕賤是人先世罪業應墮惡道以今  
世人輕賤故先世罪業則爲消滅處忽抃躍曰吾年  
過古稀於其中間經幾般事無如今之喜矣乃脫紫  
服向佛誓曰自今而後不可出頭叢林苟違所誓則  
生受惡疾死墮泥梨又作偈曰經過七十餘年事寵  
辱悲懼夢一場若得山中安樂地看雲日日快移牀  
雷呈丞相義滿源公父子并同門諸老杖錫徑如江  
州盤結艸菴歷年而寂芳善丹青好畫蘭於今往往



存焉

贊曰夫沙門者克己復原布褐其服山叢其居齋鉢時中不徼其外如斯而已如何末法以來自他宗乘駸駸然馳名利場割據寺院蕩流華靡澆弊百出特以爲酷焉哿哉玉腕師此其志操蘭香雪白矣

能州總持寺沙門明見傳

釋明見字不見雲州三澤人姓源清和天皇後胤也七歲喪母有出塵之志九歲禮雲樹孤峯明和尚受別解脫戒十二入郡之妙音院習真言教登高野山誓不下麓值凶母追忌始歸鄉里父正善請古劍訶

禪師陞座說法見聽其提唱慕佛心宗因欲捨俗父拒不許二十二離父喪闕下東關拜大拙能公於圓覺剪髮進具執侍八年又參大徹令于如意大源真于洞谷古劍訶于高石邈無所契謁通玄和尚于丹之永澤便問未後一句始到牢關時如何幻曰我亦不知見曰大善知識豈有恁麼話耶幻打曰道甚麼見亦不契一日聞一僧商量則監院參法眼因緣忽然徹底如獲舊物深藏不語侍幻巾瓶十八年矣幻知其真證付禪版几案辭歸桑梓結菴坎止應永二年出主越之龍泉端居三載創興禪精藍大開爐鞴



鉗鎚四來丙戌年受總持之請庚寅年遷丹之永澤  
一夜山鳴谷答聲如誦經一衆怪之見曰我住世不  
久無幾示微疾五月晦日修布薩不與常異六月三  
日端坐而逝壽六十四臘四十一  
城州大智寺沙門理有傳

釋理有字大有金氏奧州人也在始言時謂父母曰  
我前身良辯也父母異之捨而出家受業於江之青  
蓮寺性慧聰察早覽羣籍壯歲知賓慧日侍香龜谷  
去遊教肆研究性相淵源有一禪僧問曰閣梨遊聽  
諸方還知作佛麼有不知所對僧曰欲得作佛須究

自己<sub>レ</sub>有退<sub>レ</sub>心愧直往但州參月菴光禪師于大明菴  
令看<sub>レ</sub>卽心卽佛話有精修辛勤忘廢寢食一日感手  
中香合自開忽現舍利一顆光彩耀炫瞥爾發悟詣  
室呈機得菴許可首出世世之圓通次移大明後往  
城州和束創百丈山大智寺爲第十代海衆趨風滅  
後勅謚大觀禪師

京兆妙心寺沙門宗因傳

釋宗因字無因尾州人姓平荒尾之族也九歲上京  
投東山天潤菴拜可翁然禪師剃髮給仕十七爲大  
僧天資高潔不事世緣善熟杜詩又精周易及翁住



建仁舉爲請客侍者翁策示云雪峯云僧堂前與你相見了也烏石嶺與你相見了也望州亭與你相見了也這公案因侍者如何領略若於此著得一隻眼他日建法幢立宗旨去也尋掌紀綱常抱參方志同袍胥議將在後版因辭不就屬授翁彌公開法妙心深慕其風樞衣隨衆參請久勵果造大休歇之地翁付法語印之翁滅後因踵跡住持且妙心寺自國師艸創以降唯以個事爲要而不拘威儀禮典至於因住叢規全備焉於是湖海禪客翕然歸德雲州太守藤重通波多野氏遞代歸曹洞宗爲越之永平寺外護朝

觀在洛屢參因室頗有省處創退藏院請因爲第一世寄腴田若干畝以充衆供丞相義持源公聞其偉望欲迎請相見因辭以老病俄命駕投老於攝之海清寺作山居偈曰居處幽邃遠朝市不聞人間非與是煙引淡墨山橫屏不知身在畫圖裏應永十七年洛之大德虛席專使齋疏堅請待駕因無已入洛先庚三日俄得微疾不及滌篆而以六月四日泊然遷化春秋八十五夏臘六十九門人分靈骨塔于海清及退藏焉

京兆南禪寺沙門宗蘭傳



釋宗簡號香林久依月菴禪師于但之大明寺問如何是衲衣下事菴劈面便打簡曰臘月火燒山意旨如何菴曰再犯不容簡不契菴作偈示之久之契證簡寫菴照容請贊菴乃題曰三關把斷撥轉一機如龍得水雲騰雨飛枯枿吐英呈瑞色叢林無處不光輝初開法濃之大圓泉洛之萬壽太德南禪晚居真乘院而終

相州最乘寺沙門慧明傳

釋慧明字了菴俗姓藤氏相州槽谷縣人周旋巨福瑞鹿聞鼓宗匠之門後參通幻和尚于永澤參峨山

和尚于總持聞山上堂舉古人得大休歇因緣搭然契悟呵呵大笑曰正是諸佛本源卽是慧明自性也山曰你見什麼道理明曰說似一物卽不中山便打明休去山遷化後再謁通幻舉居版首遂付宗印住江之總寧寺禪風丕播應永元年明歸粉里大田氏尊信相攸於狩野建最乘寺延之雲水大會鬱成鉅刹其法規一取制永平上堂僧問如何是慧日光輝明曰如人夜間背手摸枕头僧曰如何領會明曰天曉不露夜半正明奇栖居士問道人命終多得自由却有旨訣麼明曰有居士曰作麼生明曰待老僧久



去卽向徐道居士拜退明在鎌倉時西礪曇和尚神  
足空叟體公赴天皇請建長圓覺兩會下僧作偈而  
送明預衆曰借伴經過異類中耕雲種月起家風靈  
機豈墮今時路蘆雪交光似不同明以應永十八年  
三月二十七日化於所住春秋七十五有代語錄二  
卷宏智小參鈔二卷今江左以東郡縣閭巷洞上禪  
刹基布櫛比皆自了菴而分焉

贊曰余志學之比屢遊最乘寺而無意問師之事蹟  
矣因修此書兩次登山生緣姓氏記畫像上而古記  
失矣後於山之青龍寺求得行實其小參鈔於東關

求之其跋曰雖深切懇望之人不可使之容易覽焉  
蓋有曹洞宗旨五位君臣重離疊變寶鏡三昧等之  
祕訣提挈宗綱曲暢審蓋矣欲到其家者見此鈔則  
思過半矣通幻下有十哲禪師爲首

### 江州曹源寺沙門禪英傳

釋禪英字靈仲氣稟睿秀才兼品藻歷參洛之諸刹  
己見未忘後歸寂室輪下棄平生所學單單要究玄  
微室授趙州狗子無佛性話策以法語英從此行住  
坐臥痛著精彩松嶺秀公在備中時招英居松泉菴  
往來道話英誠實請益忽徹無字因呈偈曰慶喜稟



承迦葉尊破菴痛懇老松源我今參請猶過彼廣大  
深恩超厚坤乃回永源告所悟室喜印之付自贊頂  
相曰衆角叢中得一麟隄巖老衲慰孤貧因思歲晚  
天寒日少室峯前立雪人貞治年中丹之大中臣宗  
泰招住金山會及愚中歸自支那英以舊友與檀越  
謀請及公補其席自往江州開曹源寺爲第一世狗  
同門之請遷永源英名聲素馳江湖是以海參津集  
左丞相義持源公遣使諮心要英進法語曰萬法歸  
一一歸何處這個是三世諸佛骨髓六代祖師眼目  
百千法門無量妙義從此話頭上流出將來照映古

今爍破天地只將此公案切置鈞抱語默動靜歷緣  
對境處逼起疑情究來究去則必有大悟大徹底時  
節夫謂之橫按鑊錘截斷魔軍過量大人者也英示  
寂後源公畫英照容供養于府第仲方伊公奉鈞命  
作之贊曰短衣勃窣懶髮婆娑甚無準則却有請訛  
獨脫抹過生涯天魔牽不起等閑拶空禪縛佛祖無  
奈何這般不受人拘束底漏局老骨槌其安拋向猿  
崖鳥道之外一任終身雨洗風磨何故玉帳之傍黃  
閣之上描畫將來禮敬頗多咦一釋迦一五元和三佛  
陀賜諡圓智悟空禪師



濃州大安寺沙門常訢傳

釋常訢號笑堂，姓橘，攝州兵庫縣人。年甫十二，剃髮稟具肄業。洛之建仁，涉歷歲月，學通內外，擢記室。去參月菴光禪師于大明，及菴順世，大有踵席。令究藥山見月因緣，一日方丈災，一衆蒼皇，救火訢奔次，喫顛擲破瓦盆，豁然開悟。有公見而知之，不覺踴躍，曰：「方丈燒損，吾總不憂，且喜今日得入訢抵濃之鵜沼。」創大安精藍，海衆稍來盈二千指，自肖贊曰：「大安樂界門風，廣大天上人間，縱橫自在，數載遷大明寺。應永十八年七月九日化世，壽五十，法臘二十七，執

謚圓應大機禪師

京兆大德寺沙門宗碩傳

釋宗碩字德翁，濃州弓削縣人。童齒依大德徹翁，享禪師圓具。已後，敲磬諸方之門戶，還侍徹翁看香嚴樹上話，晝夜危坐，廢寢忘食。如此者七年，肚腸潰腐，臭氣外發。一日條爾契悟入室，呈解翁告衆而證出世。大德後居長勝，臨亾書偈曰：「鍛佛鍊祖七十六年，一機曾轉虛空穿天。」

濃州妙勝寺沙門圓心傳

釋圓心字月堂，播州人。弱歲禮曇溪芳公於州之明



禪寺削染得度依附有年參無雲天禪師于法雲究明己事歸省曇溪溪以其得旨於無雲送附嗣之又依聞溪聰公侍于建仁湯藥謁特峯奇愚中及一老共稱器掛錫東福居第一位真巖古公住建仁延心首衆冬節秉拂機辯從容衆會側聽有檀越請開法濃之妙勝遷越之龍溪單丁深居而德光難掩毳徒盈門心嘗作偈掛且過壁以示行脚僧曰參禪學道無多子喝下棒頭雷電奔絕後再甦入魔界倒騎佛殿出山門年七十餘化于江之智海寺

武州國濟寺沙門令山傳

釋令山字峻翁武州秩父縣人幼慕桑門不關世務縣有了機道人時稱飽參山十二歲隨執薪水役學出塵法十六祝髮登睿山受具足戒歸參洞翁禪德于大陽山掛搭野之長樂隨衆八年而胸次未穩盡取書籍或焚或與人而曰吾今拋軀徧問諸方若不明大事死不休見乾坤長公于赤城山便問生何事大如何用心坤曰怎麼問來是何物山不契去參拔隊勝和尚于相之須須萱山便伸前問隊曰怎麼問來是何物山又不契服勤數載精苦勵節非人所堪時時叩頭流涕自責隊移居青山山又從侍一夜半



睡驚寤將起忽然徹證呈隊偈曰參禪學道似吞劍  
徹骨徹髓圓相鮮李陵元是漢臣下虛空放火燒黃  
泉徹之酬對如響隊尚未許見大拙能禪師於上野  
寶林曰香嚴樹上話請和尚代一轉語拙曰樹上則  
且致樹下作麼生山作退勢拙曰後園驢喫艸意如  
何山便豎一指拙曰者漢七顛八倒山因語拔隊示  
衆拙嘆曰實本色宗師也汝速歸親炙山輒却回青  
山隊問寶林有何言句山舉前話隊點首之山頌香  
嚴樹上話曰勘破六門如盲聾東西南北路難通鐵  
牛吼落青天月無齒於菟咬大虫隊見領之山辭勘

過諸方謁月堂心于越之龍溪特峯奇于丹之慧日  
通幻靈于永澤皆承稱賞後回枋里菴居成木山仰  
獵之疇捨業受戒歸仰者衆移居金峯山一室蕭然  
過十餘霜有偈曰坐斷千差通十方任緣隨性宿閒  
房百花叢裏出身路萬仞崖頭選佛場喜喜心忘雲  
吐月利名夢覺席侵霜山林自是家風在百鳥不來  
春日長及隊開鹽山招居知藏寮職滿旋成木菴至  
德四年正月山夢明月落西山謂左右曰向岳和尚  
順世不久一月初吉果告隊違和山急趨省親近奉  
養隊激揚宗要面付印囑曰子緣在武州住香積菴



三年之後有同袍請當補此山及隊遷化徇治命住  
香積於是遠近緇白受戒受衣結法緣者不可勝記  
康應元年秋果得同門請住向岳雲堂之衆盈八十  
指刑部侍郎源信成武田氏相繼崇信受菩薩大戒翼  
年春慶讚大雄殿源刑部率僚屬護法筵闔國道俗  
屯聚如雲山陞座說法聞者信伏謝事返武州開廣  
闡院於橫山長井道廣投誠歸仰吏民戮力興建聳  
飛二年秋上杉憲房於武州番羅縣建常興山國濟  
寺請山爲開山始祖會中龍象有一萬餘指猪俣右  
典旣勅光嚴寺致之若武之東皎瑞巖長契野之西

方報恩諸刹所在檀越請山爲開山祖應永二年後  
龜山法皇降雲州雲樹之詔山辭以老病六年夏國  
中大旱民心如燄山作祈雨偈曰薄福衆生枯渴恤  
針鋒影裏握璿璣倒騎鐵馬入東海擊碎驪珠灑雨  
飛應時雷雨大澍山臨終書偈辭衆坐脫勅諡法光  
圓融禪師

贊曰萬治庚子夏余遊歷東關抵溪谷國濟寺偶逢  
住持於門外就尋峻翁禪師之事曰無行狀之記因  
開影堂肅余而入其堂疎隘中安尊像衣色古古不分  
威嚴逼人實有道之相也謹消二拜而出



京兆南禪寺沙門元禮傳

釋元禮號履中參東福南嶺越禪師究大事因緣又觀教海游泳南北博辯捷機名高當世在天龍時講金剛經葦下尊宿陪其席一日同諸師赴丞相義持源公之第時廬山寺明導華王院主在座共敘門之義虎也明導問曰達磨大師生來自在未審分段變易之間居那個生來禮曰吾祖已出陰界何涉一種生來導因指源公曰不涉一種生來意作麼生禮曰八角磨盤空裏走禮權管諸刹升至南禪滅後塔于清泰院

攝州護國寺沙門得仙傳

釋得仙字竺山姓平江州人幼歸佛乘年及十九禮洛東大辯訥公落髮稟戒服侍二載去參寂室光平心齊一大老杳無所證往上海吉祥寺依大拙能和尚會裏久之告辭拙送出門仙轉身合爪拙忽把住曰燒作一堆灰後向什麼處安身立命仙於是省遂見白翁雲于積翠謁不昧志于真如後從大徹令禪師於濃之妙應注念大事如喪考妣聞大徹冬至示衆舉洞山曰有一物上拄天下拄地黑如漆因緣條然大悟出衆禮拜徹曰汝見什麼道理仙曰獨掌



不浪鳴徹曰未在夏道仙便擲下坐具徹曰如是如是親附六年得徹衣法徹指見大乘祖舜和尚舜者明峯哲公之嗣一時宗匠仙至請益日得鍛鍊康曆二年創構之護國請大徹和尚爲開山祖徹開堂後命仙補席法規嚴密毳衲歸集丞相義滿源公聞其法幢之盛將使護國準于五山仙告情嚴辭應永初振錫東遊寓上州杖林山嘗下野宇都宮檀越建注林精藍請爲第一祖四年春住越之立川五年秋上能之總持會值叢山祖翁三十三回忌設齋賑衆事竣歸護國十五年正月走大徹之喪再住立川解印

回護國源丞相招仙問法仙示直說源公不契去不  
再見總州太守赤松性松居士以播之佛果寺延之  
仙以老辭十七年秋領能之永光住職三祀遷濃之  
妙應桂林檀越發使而請無已再住癸巳正月庭前  
樹無故忽枯衆不知由仙曰世尊滅度雙林變白當  
知老僧住世不久矣二月示疾集徒分遺衣物移榻  
於嘯虎亭起居如常二月十七日剃髮湯沐細書家  
訓翌日告衆曰吾明日行矣至期待僧請偈仙卽書  
畢拋筆而化應永二十年二月十九日也世壽七十  
法臘五十一茶毗收塔于本山西南隅



京兆天龍寺沙門周仲傳

釋周仲號無求不詳族出甲州人也幼讀魯論一聞長不忘志慕出家投夢窻國師命讀碧巖集憶誦無勞國師器之下髮稟戒練磨稍久出問諸方回來受國師之印有一檀越新造精藍欲仰爲開山之祖仲不受命爲三會之下院扁曰環中自守資壽塔一時遊和州立野郡主勅信福寺以居焉仲有詩曰棲息不應過一枝雲林隨處是生涯昨非今是俱忘却只聽松風十二時後歸浴之龜山劍卓大慈菴假居奉鈞旨住相國和愚中及公偈曰曾訪大唐國裏禪休

翁室內祖燈傳英檀特製金襴賜振起頽綱祖右肩伸天生慈仁出外則持阿堵物以與丐者若有得嚬施必分贈獄囚路逢棄兒攜歸募人乳養日給二百錢以成長焉如是者數次人崇其德云應永二十一年十二月八日卒於環中

但州宗鏡寺沙門明祖傳

釋明祖號金山山或作峯姓藤藝州人也母夢吞朝旭而妊及生名焉稍長入洛拜慧日山大道以公爲師參學年久禪教該貫爲衆所識南遊往元既還出世董歷播之圓應淡之安國駿之清見之諸刹但州檀越



創宗鏡寺請旭為開山鼻祖後住東福寺法幢之盛  
 不減師德臨終有偈曰法界即五蘊五蘊即法界法  
 界無可說五蘊無可名死也無生也無生阿呵呵  
 時應永二十年十一月十三日也世齡六十五

本朝高僧傳卷第二十八

音訓

貿 莫候切 交 易財也 洑 胡犬切 裴 蒲枚切 耽 都合切 矯 吉了切  
 齎 呼括切 泚 此禮切 顙 蘇朗切 微 古堯切 駮 七林切  
 枿 牙八切 髓 息委切 鵝 杜兮切 肚 董五切 於菟 上音下  
 謂同都切 楚人 謂虎為於菟 聾 呼回切 租 尺亮切

江府住玉泉軒成九居士信施淨財鏤  
 本朝高僧傳卷三十八 茲冀  
 上報四恩下資三有家道繁興種智圓明  
 寶永丁亥佛成道之日  
 濃州路加納盛德禪寺 知藏比丘 識



... 實... 上... 本... 耳...

... 林... 天... 莫... 音...



終

